

Isu kälu sa aetawng angcū saite

26. Jesus begins to tell out the good news



Luke 4:14-30,38-44

Lemi (chin)

Bible

Isu kälu sa aetawng angcö saite

26. Jesus begins to tell out the good news

Distant Shores Media, Wycliffe Associates, and the
Door43 World Missions Community. Illustrations are
© Sweet Publishing.

Lemi (chin)
Myanmar



<http://creativecommons.org/licenses/by-nc-sa/4.0/>


You may not use this work for commercial purposes. You may adapt and add to this work, but you may distribute the resulting work only under the same or similar license to this one. You must keep the copyright and credits for authors, illustrators, etc.

This book is an adaptation of the original, *26. Jesus Starts His Ministry*, Copyright © 2015, unfolding Word | Open Bible Stories. Licensed under CC BY-SA 4.0.

This work is a derivative of "Creative Commons Open Bible Stories" attributed to unfoldingWord.org used under CC BY SA 4.0. All included images originate from "Bible Images from Sweet Publishing" attributed to Sweet Publishing used under CC BY SA 3.0.



Isu lä Muilaw Käcai üng haidae hai Kalile khö-a vawi haile vi dy. Tukha äni üng anghang anghe lä särawng dawngpa mityng qütä-a aethangdü pa vi. Isu ma Judae na üng ingkäcai na mang-a Säthaw lo mätu kha khimi qütä na lä äni tea bälaw ö bawi pa vi dy.




Isu lä äma ryng saite Nazare märü-a ly vi dy. Tukha Aehae te Käni-a lä, äma lä Judae na üng ingkäcai thung-a ly vävawi vi. Tupyng-a Isu lä ha-a Caekäcai phai hethang aetha pa. Äni ce ma lä Isu tea buisaw Isaia tärü saite Caekäcai ang-ying bäläng pa dy. Isu ma honi cae ang-ying lang kha phai pa dy.



“Areng üng Muilaw Käcai lä kai hai mangtä awng dy.
Kхими kangtang na tea Angthang Kähawi thui hethang
Säthaw ma kai bung re te phüng-a vi. Thawng thung üng
khimi ce tea bälawi vi ai näte phüng thui hethang, ämi
kangjö na ämi nung haile hethang, Säthaw ma kai bung
mätaw te vi. Sakälö khü pa saite khimi na aelawi hethang,
Areng ma äma üng khimi ce bung qae y tea ma, aeqang ai
dy näte thui pa hethang, Säthaw ma kai bung mätaw te vi
dy” näkha phai pa.



Tupyng-a Isu lä cae ang-ying bung täyng haile kha Judae na üng ingkäcai kälengky tea py pa haile ea aety pa vi dy. Ho-a awng saite khimi angxynlyng na ma äni tea kheng khisäli pa dy. Tukha Isu ma äni ce tea “Hini Caekäcai lä nang ce üng thai te kätyng vaihi ma cungrü te vi dy” näpa. Khimi angxynlyng na lä äni üng phüng-a bälaw ö vi dy. Äni ce lä Isu üng thui saite älo kähawi na phüng-a cangxei ö vi dy. Tukha “Äni lä Josefae üng cäpaw y vi nang mei” näkha aethui ö dy.



Isu ma äni ce tea “Nang ce ma kai tea hini pelo kätyng thui ö vi ai. Latang, nang ma üng naw saite tea nang ma hawi sa raw kae ba ä, nang ma Kapernawm märü-a sa saite phüng kai ce lä thai by vi. Vaihi nang ma üng rying saite mityng Nazare märü-a lä hini kätyng sa pa jo by” näkha näpa. Honi pyng-a Isu ma “Kai lo tängai ö. Khimi ce ma ämi buisaw lawngtä bung la äma üng vang kung-a lä tämö khai pa y vi.




“Buisaw Elijae üng kätü-a, Isrelae pre-a lä nawngmädi lömai na awng mang vi. Honi kätü-a, säning thungtä hai kaehütä khöne pa y vi. Tukha Isrelae pre qütä-a khimi ce tea lä bötäkang tho pa vi dy. Tungaila Säthaw ma Elijae bung Isrelae pre üng lömai ämi tea la mätaw pa te y vi. Tukha Sidon khö Zarepha märü-a awng saite nawngmädi lömai lawngtä tea ni Elijae bung mätaw pa te kae. Buisaw Elise kätü-a, Isrelae pre-a ängang käsi mang saite khimi na awng mang pa dy. Tungaila Säthaw ma äni ce thung üng ämi tea la hawi sa pa te y vi. Siria pre üng Neman lawngtä xyng tea ni hawi sa pa te kae vi” näkha thui pa dy.




Hini thui saite lo Judae na üng ingkäcai-a awng saite khimi na thai te kätü-a lä, kädawtho ö phi pa vi dy. Tukha äni ce lä aetha rü kha Isu bung märü ärang mang-a mätho ö pa vi dy. Khimi ce lä Isu bung Nazare märü sa saite me anghung kaesang mang-a nähai kha täkha thung-a nui praw hethang sa pa ö vi. Tungaila Isu lä khimipui säla mang ly ja pa vi dy.



Tupyng-a Isu lä Judae na üng ingkäcai üng tho kha Simon üng ing-a ly pa vi. Simon üng pä-i lä kawngang naw kha äkähui na lä Isu tea säbawng hethang mäkai pa vi. Tukätephüng-a Isu lä nawngmädi üng i nae teng-a aedaw kha äni üng käbi tea hidaie hai thui te phüng-a nawngmädi lä hawi pa vi dy. Tukha äni lä aetha praw ea äni ce tea käca känei mäcaw pa dy.



Isu ma angra kung saite khimi na thung üng angra na
bung lä mätho pang pa vi. Angra na ma lä Isu tea “Nang lä
Säthaw üng Cäpaw vi” näkha ätüng käleng hai thui pa vi.



Tungaila Isu lä äni ce tea älo haetä la aepe y hethang
mäkhang pa vi. Ätephüng-a mei nädylä angra na ma Isu lä
Mesia vi näkha mäny ö vi dy.

